



Santiago de Compostela, 26 de decembro de 2007

Estimada Directora:

Estimado Director:

Con data 31 de decembro de 2006 rematouse o período de vixencia do Programa Operativo Integrado de Galicia, cofinanciado polo FSE (2000-2006), a través do cal se viñan financiando diversas actuacións como son os Ciclos formativos ordinarios e de adultos, as Ensinanzas modulares, os Programas de garantía social, as Ensinanzas de adultos e os Departamentos de orientación. Para estas actuacións viñanse enviando gastos de funcionamento aos Institutos de Educación Secundaria, Escolas de Artes, Centros Públicos Integrados, Centros EPA e Centros de Educación Especial.

Tamén se financiaban outras actuacións como son as axudas ao alumnado que realiza formación en centros de traballo, as becas ao alumnado para cursar de ciclos de escasa demanda (non vocacionais), as axudas ao alumnado e ao profesorado para a realización de estadias formativas no estranxeiro, as axudas a concellos e asociacións para a realización de actividades de alfabetización e formación de adultos e os proxectos de mellora da calidade. Todas estas actuacións van a seguir realizándose pero, a partir do 1 de xaneiro de 2007, a financiación é exclusivamente con fondos da Comunidade Autónoma.

Outra actuación que viña financiándose e que vai a continuar financiándose con fondos FSE é a **formación do profesorado de formación profesional e as estadias formativas do profesorado en empresas** da Comunidade Autónoma.

No novo programa operativo do Fondo Social Europeo (2007-2013) hai algunhas actuacións que se manteñen vixentes na súa totalidade, como son os Programas de garantía social (no seu momento tamén o serán os PCIP – Programas de cualificación e iniciación profesional), as Ensinanzas modulares (modalidades de oferta formativa para a adquisición de competencias básicas en distintos sectores produtivos), e, por último, **a formación do profesorado**.

Outras como é a formación profesional específica, so vai a afectar a ciclos formativos relacionados coa sociedade da información.

Logo, hai outras actuacións que son totalmente novas, como son:

- **Recoñecemento, avaliación e acreditación das competencias** adquiridas pola experiencia laboral e os procesos formativos (formais e non formais). Realizaranse, basicamente, a través dos Centros Integrados de Formación Profesional. Para iso constituiranse comisións de avaliación que desenvolverán estas funcións. Anualmente convocaranse probas a través do DOG para que as persoas adultas que teñan experiencias laborais ou teñan realizado cursos de formación non regrados poidan realizar procesos de recoñecemento, avaliación e acreditación das competencias adquiridas ao longo da vida.



- **Actividades en rede entre institucións de ensinanza superior, centros de investigación e empresas.** A finalidade desta actuación é a de realizar proxectos de I+D+i entre os centros integrados de formación profesional, as universidades, as empresas e os centros tecnolóxicos.
- **Medidas de orientación, reforzo e apoio** ao alumnado que ten dificultades para seguir con normalidade a educación secundaria obrigatoria. O Plan Nacional de Reformas de España (PNR) destaca que o fracaso escolar mantense en niveis moi levados en comparación cos países do noso contorno, sendo o **abandono escolar prematuro moi alto** (Segundo o Informe PISA 2003, elaborado pola OCDE, entre un 27 e un 33 % do alumnado non logra superar a Educación Secundaria).

A tipoloxía dos gastos de formación do profesorado e a súa elixibilidade é a mesma que se viña realizando para o período 2000-2006. **A forma de xustificar varía un pouco con respecto ao anterior período.** Agora para xustificar os gastos de formación é necesario que nos envíen os anexos II e III da Circular 13/2000, da Dirección Xeral de Ordenación Educativa e Formación Profesional (tal e como se viña enviando ata o de agora); **como novidade** hai que enviar de cada unha das actividades de formación os xustificantes de gasto (relación de perceptores, facturas, declaracións, tiques de autoestrada, tiques de parking, etc), os xustificantes de pago (transferencias bancarias) e xustificantes das retencións do IRPF. Ven a coincidir coa xustificación que se envía á Habilitación da Delegación Provincial da Consellería de Educación e Ordenación Universitaria.

Así mesmo, hai que seguir enviando, como en anos anteriores, os formularios de indicadores físicos de realización relativa ás actuacións realizadas, nese caso, no período comprendido entre o 01.01.2007 e o 31.12.2007.

Coa finalidade de poder unificar a información de tódolos Centros de Formación e Recursos e tela lista para remitila á Dirección Xeral de Planificación Económica e Fondos Comunitarios a principios de febreiro, rógolle nos envíe a información antes citada **antes do 31 de xaneiro de 2008.**

Saúdalle atentamente.



Antonio Vázquez Vázquez
Director Xeral de Formación Profesional e Ensinanzas Especiais